

P-EBT ni nini

Uhamisho wa Kielektroniki wa Msaada Kutokana na Janga (P-EBT) ni msaada wa kusaidia kununua vyakula kwa kaya zilizo na watoto ambao wamepoteza kwa muda milo ya bila malipo au iliyopunguzwa bei kutokana na kufungwa kwa shule kuhusiana na janga wakati wowote wakati wa mwaka wa shule 2020-2021..

Ustahiki wa P-EBT* unabainishwa kwa kushiriki katika Mpango wa Kitaifa wa Chakula cha Mchana Shuleni, hali ya milo ya bila malipo au iliyopunguzwa bei, **na** siku ambazo mwanafunzi alikuwa anahudhuria shule kwa mbali au mtandaoni (angalau siku 5 mfululizo).

*Tungependa kukuhimiza uwasiliane na shule yako ya karibu ikiwa ungependa kuomba milo ya bila malipo au iliyopunguzwa bei. Shirika la [Utahns Against Hunger](#) lina zana ya kuwasiliana na shule yako.

Nitajuaje kama nastahiki?

Ili kupokea P-EBT, wanafunzi lazima wawe wameandikishwa kupata milo ya bila malipo au iliyopunguzwa bei kupitia shule yao.

Mtu yeyote aliyepata SNAP kuanzia Septemba 2020 hadi mwezi wa sasa na anastahiki P-EBT, atahitaji kuangalia salio la kadi ya EBT. Msaada wa P-EBT utaongezwa kwenye kadi yao ya SNAP EBT.

Kwa kaya zisizosajiliwa na SNAP, ikiwa unastahiki, kadi mpya ya P-EBT (sawa na kadi ya malipo) itatumwa kwako, hata kama ulipokea moja wakati wa utoaji wa 2020. Rudi tena kuangalia kwenye ukurasa huu kwa taarifa kuhusu kama na ni lini msaada wa ziada wa P-EBT unaweza kupatikana.

[Shule zilizojumuishwa katika utoaji wa kwanza](#) | [Kihispania](#)

Nitaitumiaje kadi hiyo?

Mara tu utakapoidhinishwa, utapokea kadi ya P-EBT kwa njia ya barua. Utahitaji kuiwezesha kadi yako kabla ya kuitumia. Unaweza kutumia kununua vyakula.

Fuata hatua zifuatazo hapo chini unapotumia kadi yako:

- Wezesha kadi yako kabla ya ununuzi kwa kuchagua PIN yako. Utapokea maagizo kuhusu jinsi ya kuweka PIN yako kwa kadi yako.
- Pakua programu ya simu ya connectebt au tembelea tovuti ya [connectebt.com](#) kwa maelezo.
- Kabla ya kufanya manunuzi, angalia salio lako kila wakati.
- Kwenye duka, chagua EBT kwenye Mashine ya Uzaji (au kisoma-kadi) na uchanje kadi yako.
- Weka PIN yako kwenye mkeka wa vitufe. Mashine itaonyesha ****.

- Bonyeza kitufe cha OK au ENTER.
- Keshia ataweka kiasi cha manunuzi, ambacho kitaonyeshwa kwenye Mashine ya Uuzaji (au kisoma-kadi)
- Ikiwa kiasi ni sahihi, bonyeza kitufe cha YES.
- Keshia atakupa risiti yako. Tafadhali hakikisha maelezo kwenye risiti ni sahihi.
- Weka risiti hii ili ujue salio lako jipya wakati utakapofanya manunuzi tena.

Kadi za P-EBT zinaweza kutumika kama kadi za malipo katika maduka mengi ambayo huza vyakula. Unaweza kuona orodha ya maduka yaliyoidhinishwa katika eneo lako kwa kuweka msimbo wa eneo lako katika [kitambua duka](#).

Hapo chini kuna orodha ya bidhaa unazoweza na usizoweza kununua.

UNAWEZA kununua vyakula ambavyo havijatayarishwa kama vile:

- Mkate na nafaka
- Matunda na mbogamboga
- Nyama, samaki, na kuku
- Bidhaa za maziwa
- Mimea na mbegu za kukuza vyakula

Huwezi kununua bidhaa kama vile:

- Vyakula vilivyotayarishwa, yaani, vyakula vinavyopaswa kuliwa mara baada ya kupikwa na ambavyo vinaweza kuliwa dukani
- Bia, divai, pombe, sigara, au tumbaku
- Bidhaa zisizo vyakula, yaani, vyakula vya wanyama kipenzi, sabuni, bidhaa za karatasi, bidhaa za usafishaji
- Vitamini na dawa
- Bidhaa za usafi binafsi, yaani, shampuu, marashi ya kuondoa harufu, dawa ya meno, vipodozi

Maswali Yanayoulizwa Sana

Nitajuaje ikiwa mtoto wangu anastahiki msaada wa P-EBT?

Mtoto yeyote ambaye alikuwa anastahiki milo ya bila malipo au iliyopunguzwa bei (kifungua kinywa na/au chakula cha mchana) au alikuwa anahudhuria shule ambayo imetengwa rasmi kama iliyo na watoto wengi wanaostahiki milo hii, basi anaweza kupokea malipo ya P-EBT ikiwa shule yake ilifungwa kwa angalau siku tano mfululizo wakati wa mwaka wa shule 2020-2021.

Je, unahitaji kutuma maombi kwa mpango huu?

Maombi ya P-EBT hayahitajiki kwa duru hii ya msaada wa P-EBT. Hata hivyo, lazima uwe umesajiliwa kwa chakula cha mchana cha shuleni cha bila malipo au kilichopunguzwa bei. Wasiliana na shule yako ya karibu ikiwa ungependa kuomba milo ya bila malipo au iliyopunguzwa bei. Shirika la [Utahns Against Hunger](#) lina zana ya kuwasiliana na shule yako.

Je, mtoto wangu ataupataje msaada huu?

Msaada wa P-EBT utatolewa kwenye kadi ya EBT, inayofanana na kadi ya malipo. Kadi hii itatumwa kwa njia ya barua pamoja na maagizo ya kuiwezesha na namna ya kutumia kadi ya EBT. Ikiwa tayari una kadi ya SNAP EBT na unastahiki msaada wa P-EBT, pesa zitawekwa moja kwa moja kwenye kadi yako.

Je, msaada huu utapatikana lini?

Msaada wa P-EBT utanza kutolewa wakati wa wiki ya mwisho ya Machi 2021. Inatarajiwa kwamba tutatoa malipo zaidi mnamo Mei, Juni na Julai 2021.

Je, msaada unaweza kurudishwa nyuma?

Ustahiki wa P-EBT* unabainishwa kwa kushiriki katika Mpango wa Kitaifa wa Chakula cha Mchana Shuleni, hali ya milo ya bila malipo au iliyopunguzwa bei, na siku ambazo mwanafunzi alikuwa anahudhuria shule kwa mbali au mtandaoni. Msaada ni kwa mwaka wa shule 2020-2021. Tunakuhimiza uwasiliane na shule yako ya karibu ikiwa ungependa kuomba milo ya bila malipo au iliyopunguzwa bei na kujadili muda wa kipindi unachostahiki. Shirika la [Utahns Against Hunger](#) lina zana ya kuwasiliana na shule yako.

Ninaweza kutumia kadi ya P-EBT wapi?

Unaweza kutumia kadi ya P-EBT katika duka lolote la vyakula la rejareja linalopokea kadi za SNAP EBT. Utah ina zaidi ya wauzaji 1,400 walioidhinishwa ambao wanaweza kukubali na kuchakata manunuzi kupitia SNAP kwa kadi ya EBT. Wauzaji hawa ni pamoja na maduka makubwa, maduka ya karibu na masoko ya bidhaa za kilimo. Unaweza kuona orodha ya maduka yaliyoidhinishwa katika eneo lako kwa kuweka msimbo wa eneo lako katika [kitambua duka](#).

Je, mtoto wangu anaweza bado kutumia mpango wa shule yake wa milo ya msimu wa kiangazi wakati anapokea P-EBT?

Ndiyo, kushiriki katika mpango wa P-EBT hakuathiri mpango wa mtoto(watoto) wako wa milo ya msimu wa kiangazi au ustahiki wowote wa milo ya bila malipo au iliyopunguzwa bei.

Je, P-EBT itahesabiwa kama msaada wa umma?

Matumizi ya msaada huu hayaathiri hali yako ya uhamiaji au ya mtoto wako. Uchunguzi wa msaada wa umma hautazingatia msaada wa P-EBT.

Je, msaada huu ni halali kwa muda gani?

Lazima utumie msaada huu ndani ya siku 365.

Ninaweza kumpigia nani simu kama siwezi kupata jibu langu katika sehemu hii ya Maswali Yanayoulizwa Sana?

(833) 940-2990

Ustahiki wa Msaada Kutokana na Janga EBT (P-EBT) Utah



KWA WATOTO WALIOFIKIA UMRI WA KWENDA SHULE

Chati-mtiririko hii imeundwa kusaidia familia za Utah kubaini ikiwa wanafunzi wao wanastahiki P-EBT katika mwaka wa shule wa 2020-2021. Nyaraka hii haihakikishi msaada isipokuwa inatumika tu kama zana ya kuelimisha na kutoa maelezo.

